

臨江縣志卷之三

形勢志

名勝志

古蹟志

建置志

物產志

動務

植務

礦務

臨江縣志

卷二目錄

一

臨江藝文齋印刷所印

形勢志緒言

一縣之輿地最不可忽者厥惟形勢登崇山而瞰勝水何地可資防守何處可以掩襲負防務之責者皆宜按天然形勢綢繆於未雨之先也臨江位奉天東邊安東東北扼鴨江中樞長白山脈之所蟠結鴨渾兩江之所迂迴雄渾之氣獨盛於茲天造地設之形勢其堪稱險要者不一而足茲特選其尤著者志之因志形勢

蕩平嶺

橫斷本縣中部形似長蛇距城七十五里爲赴通之咽喉

要塞由南麓至巔盤道十八層高約十二里嶺背至寥荒

地直坡八里岡嶺對峙儼有一夫當關萬人莫過之勢誠

本縣第一高山亦第一要隘也俗稱老爺嶺清光緒三十

四年東三省總督徐世昌奉詔通奉長之路因飭長白知

府張鳳臺臨江知縣李廷玉監督開通老爺嶺至十二月

告成向之巉巖危壁一變爲蕩平坦途故特名之也

臥虎山

橫臥縣城背陰高約里許爲縣城天然屏障登巔俯視全

城在望故欲保此城必先扼據此山且有頭二道溝河流

左右環抱形勢之勝爲全縣冠

臨江縣志

卷二

形勢

三

臨江藝文齋印刷所印

龍爪山

位於縣城正東高約二里許警察分所炮臺水上警察分

局扼於此山要處確爲臨撫縣道之咽喉鳴江航運之保

障縣城治安之關鍵

貓耳山

聳立縣城正西高約三里有奇雙峰插天形如貓耳雄壯

異常其巔可容千餘人據之能扼臨通臨輯兩縣道之咽

喉而山前之鳴江渡口亦可控制語云居高臨下勢如破

竹此山可以當之

椴包松嶺

此嶺爲昔日赴通必經之嶺亦四五兩區天然界限東面

亦稱八里坡形勢爲蕩平嶺之亞故蕩平嶺開通後此嶺

雖形勢猶昔而關係則遜於前

大栗溝岡

橫亘大栗溝門之東扼臨輯縣道之吭岡之南端臨江削壁形勢天成據而守之則臨輯交通與鴨江航運皆可無虞此亦本縣要隘之一

牛心頂

在縣北境峙立臨濛兩縣之間佛爺嶺橫其東金龍頂列其西輕便鐵路在其南孤峰聳立高插雲漢上有水池二四時不涸形勢之勝遜於蕩平嶺

南天門及

同在二區三道溝裏大母猪溝門南天門位於河南西北西北天 天位於河北兩相對峙形勢天成若遇河水漲時爲往來必經之地石峰高約十丈鑿石爲磴行人攀石俯伏而上洵可稱爲天險

臨江縣志

卷三

形勢

四

臨江藝文齋印刷所印

天橋溝

在四區葦沙河上游左右石壁屏列通行極難中有羊腸小道愈行愈高故名天橋自上俯視心爲之悸東接四方頂子經貓耳山後可至縣城南達葦沙河鎮西北經珍珠門可至林子頭鎮正西過棺材梁子可至紅土崖鎮洵稱咽喉衝衢

五道江嶺

在七區西境爲臨通兩縣之分界嶺亦赴通必經之要塞自東麓至巔約七八里爲一長岡形似游龍可容萬餘人崇山屏蔽於南渾江環繞於北西扼五道江渡口實用兵者必爭之地

城牆砬子

五區形勢茲山爲最石壁屏列天造長城上有百畝平原

設有警察分駐所以資防守渾江繞其西輕便鐵道當其東前之平原街市繁盛再南則衆山高峙形勢雄壯民國十年秋匪首長山率衆二百來攻警兵止二十餘人居高臨下卒敗匪衆先據形勢故也

砬砬岡子

三區樺皮甸六道溝兩村分界處有一長岡純係巖石長二里許高可十丈爲臨長往來所必經上有孔道鑿石而成下臨鴨江深不見底用兵者苟據此岡可斷臨長之交通而控鴨江之航運

彎溝嶺

此嶺扼臨撫濛三縣咽喉形勢險峻東北可入撫松西北可入濛江左右出入便於用兵居高臨下可資據守

臨江縣志

卷三

形勢

五

臨江縣文齋印刷所印

馬鹿泡岡

位於臨長兩縣分界處嶺端伸入鴨江灣東南西三面臨江北接龍岡形勢險峻扼臨長之咽喉爲縣防之要塞

鴨江渡口

位於縣城河西爲滿韓往來要津貓耳山高峙於北望江樓聳立於西渡口左右爲一小平原車馬皆可通行且江流平穩利於行舟臨江稅關設此

金坑嶺

此嶺橫列八道江鎮之東南河口鎮之西南爲兩鎮天然屏障紅土崖河環其東渾江當其西形勢優勝亦講防務者所注意之嶺

名勝志緒言

秉靈秀之氣極偉大之觀宇宙之名山勝水足以淑性陶情使人流連而忘返者何可勝道臨邑扼鳴江中樞雖非龍蟠虎踞之雄封而水環山抱風景殊佳閒嘗嘯傲其間俯仰瞻眺卽一邱一壑一草一木往往奇像迭見艷態百出在在足以與懷是知天造地設之奇不限於遐陬也說者謂若以天然之名勝益以人工之點綴當必別有可觀豈知天壤間形形色色生成者奇造作者陋倘逞俗士技倆妄加斧斲俾天然名勝失其本來面目陋矣茲以境內佳景無愧名勝二字者筆之於編俾閱者不出戶庭而一縣名勝如在目前庶斯志不爲無補也志名勝

望江樓一

距縣城西十五里當石溝門有石峰一孤峙江岸高五丈許形狀如樓登其巔則鴨江風景盡在目中故名曰望江樓峰背有石磴數級如樓梯上有小松一株高八尺幹曲如弓遠視之如人在樓巔鞠躬俯視江流者然奇觀也

望江樓二

三區樺皮甸子西十八里亦有石峰一聳立江岸高十二丈有奇上列蒼松五株亭亭若蓋前則峭壁削成有小洞三遠望如窗最上一洞有水噴出作垂簾狀峰背石磴層疊循級而上如樓梯登其巔眼界頓廓江上種種風景一覽無餘故亦名望江樓云

臨江縣志

卷三

名勝

七

臨江藝文齋印刷所印

鴨江晚照

邑南鴨江北岸隨流環曲人家鳩聚屋宇疊疊且達山半江中糧艘綠岸停泊每至夕陽西下沿江北望上則市廛櫛比萬縷炊烟下則帆檣林立倒影激波復襯以青山綠樹洵爲一幅天然圖畫誠本邑一賞心處也

東公所

臥虎山陽東端半坡有理教公所一金碧輝煌匾額無數大門匾額曰永善堂門前石階十餘級憑垣遙矚臨江全市一覽無餘龍爪峙其東鳴水繞其南每當春夏千山戴翠萬水拖藍秋則霜葉翻紅冬則煙巒積素登覽之頃萬象森列四時之景奔來眼底故騷人墨客結伴登臨

者絡繹不絕羊腸九曲遊人如織大有山陰道上迎接不暇之概云

西公所

臥虎山陽西端半坡亦有理教公所一殿宇輝煌景色清幽門額顏曰宮壽堂門前石階亦十餘級右有知縣王濟輝之坐墓後有日滿軍警殉難之忠魂碑（縣長劉維清撰文採木公司局長王英璽書丹）且有劉縣長題聯於碑門曰青山有幸表忠蹟白石無瑕紀戰功特錄之以爲名山之表色環顧週遭則望江樓筆架山繚繞目前貓山西聳鳴水南流風光綺麗儼然畫圖遊人雜遝摩肩踐踪每多俯仰徘徊而不忍遽去云

天然屏風

臨江縣志 卷二 名勝 八 臨江藝文齋印刷所印

五區林子頭西南十八里石人溝口雙峰對峙如門高二十餘丈峰巔各有巨石形如人立高丈餘軀幹天成門內有峰若屏高十七八丈壁立如削其巔有松十餘株上干雲霄石罅野花芳草迎風含笑爲石屏天然之點綴探勝及此心爲一暢

一面城

五區三岔子村有峰高五丈寬六十餘丈面坦如城上可平地十餘畝中有巨石形如門樓巍然特立常有烟霧籠罩遠望之如蜃樓然憑高下視渾江如帶左右水流交叉兩岸花木生姿天然佳景盡入眼底亦本邑名勝之一

倒貼畫

五區林子頭正西二十五里大甕圈東南有石峯一高三丈許形如牛頭下尾上脊東足西前二足短後二足長石罅內之小松花草枝葉下垂遠望之如畫圖倒懸故名倒貼畫云

十八盤嶺

蕩平嶺爲臨江第一名嶺嶺陰至地直坡八里自南麓至頂十二里有奇道路盤旋共十八折汽車道近已完成遠望之蜿蜒如蛇最奇者自巔下行十餘丈高之老松其杪皆在眼底可隨意摘松子食之登巔遠眺衆山皆小朝鮮境內諸山亦近在咫尺七十二道河子曲折南流水光射目登覽至此俗慮頓消眞勝境也

珍珠門

臨江縣志

卷二

名勝

九

臨江藝文齋印刷所印

一區頭道溝裏距縣城西北六十里有一勝境曰珍珠門雙峰對峙怪石嵯峨石現紅黃褐諸色燦爛豁目遠望之如珍珠然青松芳草點綴其上溪水輕波奔流其下誠天然之名勝也

龍池噴雪

珍珠門東北有石峯一峰頂有水池三日天池龍池浴池形圓如釜似經開鑿者時有水花噴出雖旱不減天池龍池可望不可卽浴池則可攀援而上沐浴其中每當天氣晴和遙望如白練懸空細視如六出飛舞潺潺之聲振動耳鼓眞有應接不暇之勢遊人至此歎觀止矣

趵突泉

珍珠門東二十里最高石峯下有泉曰趵突泉經冬不凍熱氣蒸騰遙

望如霧據土人云若沐浴其中可除皮膚諸病此蓋溫泉中含有硫磺等礦故特誌之以供研究云

三朋湖

趵突泉正北四里許有湖形長方厥名三朋草木光映水色青翠隨風盪漾風景絕佳湖中怪石屹立如獅如虎如人如鳥其狀不一水流擊石聲如洪鐘湖左孤峰聳立高插雲際古樹扶疎蒼翠宜人湖右石峰高峙草木不生下有一洞深約丈許高約五尺相傳昔有高士隱此惜未傳其名云

大湖之瀑布泉鯉魚跳龍門

縣城正東二十五里二區三道溝裏有一瀑布土人名曰大湖河水至臨江縣志

臨江縣志

卷二

名勝

十

臨江藝文齋印刷所印

此中流爲兩岸及河心之巖石所激奔流頓急怒花飛濺一落數丈如掛素練每春河魚上行非逆水飛躍不能越此故咸謂之鯉跳龍門云

古蹟志緒言

世代迭更陵谷變遷吾人處千百年後偶見古之一木一石一磚一瓦輒流連玩索而不忍舍可見好古之心人人所同具也臨江僻在邊徼設治復晚先朝遺蹟湮沒於深林蔓草間無由發見諒亦指不勝屈誠憾事也閒嘗登貓山之巔臨鳴江之濱每見頽垣片瓦且樹百世之風聲斷碣殘碑猶留千秋之姓字俯仰憑弔大有今昔之感茲特以採訪所得信而有徵者筆之於編以備博古家之參考尤望後之君子本其好古之心探索而續編之庶古蹟之不終湮也志古蹟

古城

縣城東南百十里三區夾皮溝有古城遺址一俗呼高麗城子據鄉老云實非高麗所建明末朝鮮獨立清太祖努爾哈赤舉兵東征築之以爲寨壘者迄今城垣頽廢惟近城基處常有殘磚碎瓦發見並經鄉民挖出長方及月牙形之青石似曾經人工琢磨者四門亦有形跡可認輪廓約二方里

古碑

古城西北隅經農民王德福掘出半截古碑長二尺五寸寬一尺六寸相傳係清太祖所建惜埋沒多年字跡模糊不能辨認此碑今猶存王某院中

臨江縣志

卷三

古蹟

十一

臨江藝文齋印刷所印

古洞

三區樺皮甸子天台山陽距縣城正東九十里有洞名曰朝陽門形橢圓內極寬平縱十丈餘橫二丈許入內數武黑不見物細視之有廟三一關帝一玉皇一龍王廟側有草舍兩楹爲住持李元貴臥室門外有旗杆二每日高懸繡旗則住持所裝飾也

古廟

南老嶺一名官道嶺上有山神古廟一座相傳清統領左寶貴於光緒八年所建正殿三楹東西廊各三間規模略有可觀現經風雨侵蝕漸改舊觀矣

古團房子

縣城河西五里許乾溝門有前清光緒四年統領左寶貴所建之正房三間東西廂各三間爲清兵與朝鮮兵會哨之所名曰團房子每歲春秋兩次雙方軍官團聚於此會商防務迄今團房子已頽塌其遺址猶可考惟爲鄉民生姓所占

古銅印

五區林子頭鎮正西三十里下甸村農民馬芝芳於民國十三年挖泥築牆於土內得銅印一顆長三寸寬二寸五分其柄高一寸八分許篆文係陽字模糊不可辨認惟背面有唐大將軍之印六字尙能認識前採訪員馬鑑文帶縣交與編輯郭維周收存於圖書館內後經本城事變遂卽遺失

臨江縣志

卷三

古蹟

十三

臨江藝文齋印刷所印

古銅像一

三區七道溝門距城一百三十里有縣民許長有者於民國十九年春修治水溝由土中挖出銅像一尊高約六寸相傳清初韓人曾建廟於此破瓦頽垣遺跡尙存足証此像爲韓人所鑄現仍存許某家綠銹滿身狀甚古雅因無字跡可認不能確定爲何年所鑄

古銅像二

縣城正東百四十里三區六道溝錯草頂子居民張得勝於民國十五年七月自土中挖出銅像一尊高一尺二寸又於十六年春自水溝裏發見銅像一尊高八寸有手九隻亦爲該戶所得後經該區區官何國璋置二像於六道溝積善堂公所惟係何年代所鑄迄不可考

古銅香爐

二區二道溝裡弔打溝門村民婁坤於民國十四年春修治水溝挖出銅器一具上口外張圓徑約一尺八寸下有三足折其一周身斑銹形似香爐擊之有聲一面似有字跡惜模糊不可辨認難定爲何代何年之物大同元年六月臨江事變時編輯郭維周避難其家曾親見之確屬古年香爐後婁某被刀匪所害房屋焚燬此物能否存在尙待訪問

古榆一

縣城迤西望江樓附近官道左側有古榆一株高約六丈有餘粗可合抱老幹參天杈杈古茂惟植自何年迄不可考

古榆二

縣城河西清化村路旁有古榆一株相傳經過二百餘年高十餘丈圍約七尺有餘直幹凌雲綠葉蔽日亦大觀也

古榆三

縣城河東龍王廟門前有古榆一高約五丈圍約九尺餘老幹杈杈卓立江岸皮多脫落枝亦枯榮參半相傳此榆最古已歷三百餘年

古箭鏃

大同元年六月臨江事變時縣農會文牘員于勛乙與編輯郭維周逃難至二區三道溝裡在擦皮骨嶺之石罅中得一古箭鏃長約五寸寬一寸有奇其柄有孔紅繡瀾漫不知爲何代之物時方戒嚴不便攜帶遂贈於嶺下胡姓

建置志緒言

建置一事見人羣之進化知今昔之迭嬗所關最爲重要在昔臨江列爲荒服古代之建置未得多觀當設治伊始卽有建築亦多因陋就簡無甚奇特工程近數年來官署校舍廟宇橋梁等之建築始有可記述者取而志之俾閱者默念前人之經營引起後來之發展於建置已成者咸知愛護之補葺之其未興工者雷厲風行以舉之茲後臨邑文化必隨建置而進步庶斯編不爲虛有矣志建置

城池

俗名高麗城子

今縣城相傳爲唐時高勾麗所建故至今俗名猶呼爲高麗城子實者爲唐朝所建其輪廓較今之縣城略小城門雖已無從辨認然文成街趙氏房後尙有遺趾可尋城基周圍以外地下之沙石層疊卽昔日之護城濠也今之城池乃係唐遺趾所改修者

營寨

三區夾皮溝門有營寨遺址相傳爲清太祖努爾哈赤所建今雖寨垣頽廢形勢尙可辨認寨基附近常有斷甃碎瓦發見並有鄉民掘出之殘碑可證

南圍子

臨江縣志

卷三

建置

十六

臨江藝文齋印刷所印

清光緒六年上憲以本境伐木淘金者日衆特派防軍統領左寶貴駐貓耳山以資保護乃在鴨江右岸建一土圍爲防所正房五間作長官駐室及辦公室左右廂房各十間爲兵士駐室迨光緒二十八年臨江設治縣長駐此增修大廳三間周圍砌以石牆及新縣署落成此圍仍爲防軍駐所今已增修至四十餘間地基爲城內沿江最高之處

土城垣

臨江向無城垣民國十三年夏知事俞榮慶建議於縣街之東西南三面創修土城垣以資保衛兼防水患高約丈餘寬約五尺共長二千三百六十六丈門六曰臨撫門臨長門臨江門西南門臨輯門臨通門自十三年六月興工至十月告竣爲官商農三界合修費工逾十萬而今

已頽塌矣

縣公署

清光緒二十八年臨江設治縣署闕如借居於南園子至三十四年知縣李廷玉丈放街基劃縣署於後山前而繼任知縣鄭鴻勳開始興修八月越月而成建大堂五間知縣住室七間東西廂各七間門房三間共二十九間嗣經歷任增修事變前已達五十九間知縣住室之東西又各建礮台一座四周砌以磚牆大門外復建映壁以蔽內外大同元年七月正廳被焚秋十月經縣長劉維清重修且在勤政廳後建東西廂房各三間現有瓦房共六十五間

典史署

典史署當設治伊始租用河西貓耳山麓之民房十五間典史陳嘉玉爲久遠計於光緒三十一年春擇地於今之縣署西建大廳三間住室五間東西廂各五間共十八間嗣因典史取消此房歸警務局今已增修至二十九間矣

礮台

民國十七年秋刀匪蠢動知縣吳長安倡議於縣城周圍建築礮台以資防守官築十二座殷實商店每家一座或二座不等八區各局所亦同時建築最多者爲八道江鎮礮台內駐警兵並置舊式鐵礮及抬桿大槍以資鎮懾防務鞏固矣

教養工廠

民國十二年春知縣俞榮慶奉令創辦教養工廠乃於縣署西偏建正房東西廂房門房各九間又修東耳房一間西耳房二間共三十九間四周磚牆高八尺大門按洋式建築門外立石碑記其事至十四年秋工廠停辦改爲師中校但西廂九間爲監獄佔用大同二年九月長撫地區司令部佔用警察一分局地址一分局遂移此佔用師中校原有房舍

救濟院

民國十七年秋院長魯盛發以街市乞丐過多商請縣長董敏舒准在城隍廟廟坎下築瓦房十七間款由商農兩會分担並有衆善士捐助者兩越月竣工

臨江縣志

卷三

建置

十八

臨江藝文齋印刷所印

農務會

民國十四年春農會長趙金山以該會租用民房殊非久計乃向八區民戶募款於警務一分局房後修瓦房前後兩層共十間五月一日落成現在前五間爲長撫地區司令部佔用後五間爲電話局佔用

警務第一分局

民國九年保甲所長黃宗炎向農商兩界募款於商會東隔壁建正房七間東廂五間迨保甲奉令歸併卽改爲警察一區駐所嗣經區官張景玉於民國十六年春在正房後增修瓦房七間並於東南隅建礮台一座現已改爲長撫地區司令部矣

三隊防所

地址在一區蕩平嶺南二十里清光緒三十四年修嶺之第三工程隊所修僅草房五間爲該隊修嶺時所住故名三隊防所民國十三年警甲所長吳常安重修正房五間東廂五間均改瓦房四周砌以土牆於東南隅建礮台一座形勢鞏固現改爲三隊警察署駐所

教育局

原借市區一校西廂五間名曰教育公所至民國十一年春經所長孫丕承募款在一校西隔壁修瓦房前後兩層各五間台基高爽工程堅固現爲女子師範佔用

市一校舍

清光緒三十四年校長文經西奉知縣熊填之命在興華街偏東建正臨江縣志

卷三 建置

十九

臨江藝文齋印刷所印

房七間東西廂各五間共十七間民國三年七月被江水冲毀嗣又補修間數仍舊迨民國十九年校長劉寶福以學生衆多又在街南購民房九間前後共二十六間

市二校舍

地址在縣城西北隅高原之上原有東廂八間經校長徐文沼學董戰世奎於民國十二年春以公款購自民戶者嗣因學級增加於民國十八年秋經校長周德源以地方臨時費又購民房五間卽今之西廂迨民國二十年秋周校長又建正房七間前後共二十間

師範初中校舍

地址在縣城西南隅原有瓦房十九間係民國十八年秋購自民戶者

價洋三千元由士紳張之言吳子香魯盛發王榮喜四人捐納迨民國二十年春教育局長孫丕承募地方臨時費一萬二千元由校長葛祝華監工修大禮堂七間兩端各修教室三間門窗走廊均按省頒之圖樣建築形勢雄壯爲本縣各校舍之冠

關帝廟

地址在縣城興華街西端大殿三間係住寺道王元福於清光緒二十七年募款所修民國二年住寺道柏清修又向各界募款增修東西廊各三間大殿東火神廟一間去歲本城事變東廊被焚經道人王嗣亮以私款重修院內建石碑一座大門匾額題曰萬法宮爲臨江最古之廟宇

臨江縣志

卷二

建置

二十一

臨江藝文齋印刷所印

城隍廟

原附於關帝廟大殿西一間民國十七年秋由農商兩界攤款以街長趙中山爲監工員卜地於縣城西北隅高原之上建大殿東西廊各三間周圍磚牆高七尺至十八年春竣工

龍王廟

建於民國六年三月地址在縣城東鴨江右岸款由木商及各艚戶捐納大殿三間金碧輝煌殿前建門樓一座巍然壯觀

司令部

地址在縣署左側卽前警察一分局舊有房舍重行折修大同二年八月開工十一月底告竣連農會五間在內並新建樓房五間共四十六

間規模莊嚴可觀

官店

地址在縣城東北隅興隆街臥虎山東瓦房十八間現爲長撫地區司令部通信連所佔用

東公所

民國十年理教領正（俗呼大爺）任丕福募款於縣城後山東坡修草房三間規模簡陋至十三年領正王錫福募款增修大殿五間金碧輝煌匾額無數十六年秋領正王志遠增修西廂三間十八年又修東廂三間東院正房四間四周砌以石階高七尺大門匾額顏曰永善堂門前石階十餘級堅固異常其壯麗爲各建築物之冠

臨江縣志

卷二

建置

二十一

臨江藝文齋印刷所印

西公所

民國十一年春領正任丕福欲廣傳其教又在後山西坡修草房三間別其名曰西公所稱其先修者曰東公所至十四年領正袁永炎募款增修大殿五間東西廊各三間四週砌以石牆大門匾額顏曰宮壽堂其壯麗雖次於東公所而形式雅致景色清幽有其過之無弗及焉

物產志緒言

臨江地方數百里山嶺重疊物產以木材山蓨爲最煤炭五金諸礦亦
隨地發見他如羽毛鱗介蔬果花草之屬較鄰近諸縣亦無甚差異惟
土質礮而氣候寒凡穀類中之高粱稻麥其生成遠不如內地而蠶桑
更無論矣茲特將採訪所及一一著之於篇以待後之君子辨土宜考
方物者有所原本亦庶幾周官土訓班氏地理之遺旨乎志物產

動物

(子)羽類

雞

有山雞家雞之別山雞本名雉俗呼野雞境內最多獵者常得之其肉較家雞為鮮惟不如家雞之厚家雞雄司晨雌生卵與內地所畜無異

鴨

有野鴨家鴨之別野鴨為鳧家鴨為鶩野鴨能高飛居水上食魚家鴨不能高飛足有蹼最喜游泳水中

鵝

似鴨而大雄者可以守門見生人則鳴雌者生卵大於雞鴨卵一倍晉王羲之愛鵝即此

鳩

一名斑鳩性拙不能築巢每借鵲巢居之

臨江縣志

卷三 物產 動物 羽類

二十三

臨江藝文齋印刷所印

鶉鴒

性喜合羣每棲於房簷之下

烏鴉

性孝能反哺以全身黑色故名又有腹白者曰山老鴉

燕

禮月令玄鳥至即此有兩種紫胸輕小者是越燕俗呼紫燕斑黑而聲大者是胡燕均以春社來秋社去有一定時期故又名候鳥

鵲

俗名喜鵲善營巢知風雨其聲啾啾俗謂其向人而鳴必有喜事陸賈新書及唐書所謂喜鵲即此

雀

俗名家雀依人而居巢於檐下或牆內啄院中餘粒食之故名留鳥

啄木

俗名搗木鸛子嘴尖舌長能啄出木蟲食之

鶉

形似雞雛雄者善鬪土人呼為鶉鶉

鷹

力大眼銳利爪嘴如鉤善撲小鳥及兔食之有黃白灰諸色而白鷹尤猛

鷓

鷹屬常盤旋空中伺地上雞雛撲食之

布穀

卽詩之鳴鳩今名布穀俗呼騷穀穀每歲到穀雨時四野飛鳴其聲布穀布穀故有布穀催耕之說

黃鸝

古名蒼庚又名黃鶯俗名黃雀古詩兩箇黃鸝鳴翠柳卽此

鴻雁

詩傳云大曰鴻小曰雁禮月令鴻雁來賓卽此春來秋去其知時與燕同

臨江縣志

卷三 物產 動物 羽類

二十四

臨江藝文齋印刷所印

鵠

顏師古曰鵠水鳥其聲鵠鵠大於雁羽毛白而潤其飛極高一名天鵠

百舌

禮月令反舌無聲註反舌百舌鳥也能易其舌以效百鳥之聲故名

葎鳥

一名棒極鳥食山葎子其鳴聲棒極棒極爲遼東特產之鳥

魚鷹

有黑白二種大於烏鴉嘴如鉤食魚一名釣魚郎

坐山鵬

大於鷹數倍眼圓而銳嘴曲如鉤爪如鐵抓不食穀糧專食肉類

鳴鴉

惡鳥語云晝不見泰山夜能察秋毫常捉他鳥及鼠而食

之又名梟鳥詩云鳴鴉鳴鴉既取我子即此鳥也貓首鷹
身故俗呼貓頭又呼夜貓子舊說梟生食母獍生食父不
孝鳥也北史云梟獍爲物天實生之故稱不孝之人曰梟
獍

鷺鷥
俗呼窮等形似鵝翅大脚高飛則縮脖翔集江河之上食
魚

鶴
水鳥俗呼水老鶴相傳鳴則必雨有黑白二種

鷗
水鳥俗呼沙雞形似雞雛飛棲沙灘之上

百靈
狀似家雀而大羽毛蒼白善鳴人多畜之

蘇雀
以喜食蘇子故名嘴粗有黃黑二色

臨江縣志

卷三 物產 動物 羽類

二十五

臨江藝文齋印刷所印

蠟嘴
嘴黃似蠟故名又善鳴故人多畜之

靛青
色藍如靛善鳴俗名藍靛科

黃肚
俗名黃肚臙

鐵雀
較家雀爲大爪堅如鐵置網於地取之漏網者未幾復至
謀救其羣亦鳥之義而愚者此鳥興京縣最多臨江不多
見肉鮮美爲酒肴中上品

蝙蝠
晝伏夜出似鳥非鳥一名仙鼠糞爲夜明沙可治目疾

寒號蟲
卽號寒鳥夏月茂盛自鳴鳳凰不如我冬月毛脫輒鳴得
過且過糞入於藥名五靈脂

(丑)毛類

牛

有紅黃黑三色性馴力大營木業者每家常畜百餘頭農戶亦多畜之

馬

有紅黃青白黑諸色力健善走農家多畜之木商所畜尤多

驢

有灰黑二色農家畜以推碾磨者曰毛驢用以配馬產驪者曰西驢

騾

一作羸驢與馬交則生騾健而善走不能生殖境內畜者其數等於馬

豬

其肉肥美滋生甚速家無不畜多有至七八十口者說文羊祥也故吉禮用之詩傳小曰羔大曰羊境內有山

臨江縣志

卷三 物產 動物 毛類

二十六

臨江藝文齋印刷所印

羊綿羊二種直毛者為山羊拳毛者為綿羊又有生於山野間者亦曰山羊狀與家畜者略同皮最溫暖能隔潮濕血可入藥見藥類

犬

周禮疏云犬有三種一田犬二吠犬三食犬通考女真地多良犬元史有犬站以犬代馬田犬亦名獵犬極健有能制虎者今境內所見皆吠犬可守夜家家畜之亦有身小畜於室內者俗名哈吧狗即獠唐書康國獠兒即此又獅毛者名獅子吧

貓

形似虎身輕捷長尺餘善捕鼠人多畜之俗名耗子有田鼠家鼠之別善盜能嚙物又能引疫故人

鼠

多畜貓以捕之

鼬

俗名黃鼠狼子常盜食雞鴨故人多惡之毛可作筆

兔

分家兔山兔二種家兔一名家鼠有黑白二色毛光潤皮較山兔稍厚可作皮襖山兔色灰境內最多

狐

赤者爲火狐白者爲銀狐黑者爲玄狐土黃色者爲草狐境內所見以火狐草狐爲多毛長而溫爲製裘上品

狸

卽野貓皮可爲裘俗呼山狸子

貉

狀似狸略小性懶好睡俗呼懶貉子皮毛最溫毯細而厚亦爲製裘上品

獾

狀似犬皮毛粗硬青灰色取爲褥能隔潮溼其油可治火

臨江縣志

卷二 物產動物毛類

二十七

臨江藝文齋印刷所印

傷及一切瘡症

狼

似犬略大性狠力猛體之短小者爲豺其毛隨草色而變所謂保護色也常盜食家畜因境內有虎豹威壓之故爲害輕於內地

虎

形似貓身長五六尺毛鮮黃有黑色條紋性兇殘猛悍食他獸產於滿洲者毛密而溫臨江深山中極多獵者得之售於市價最昂其皮可爲坐褥骨可製藥酒治腰腿痛諸症最效

豹

小於虎而力過之毛黃褐色背有黑色圓斑俗稱金錢豹輕捷善走食牛羊猪等物獵者亦常得之其皮甚貴

鹿

生森林中四肢細長性溫順雄者生有枝之角禮記月令孟冬之月鹿角解每歲解角復生初生時如芽有皮包之皮高起狀如葦未開者為鹿茸既成為角則歧而生枝每年增一枝以此可知鹿之年數毛茶褐色有白星斑紋俗稱梅花鹿茸可入藥最珍貴以角熬膠曰鹿角膠亦可入藥雌者無角毛色較淡臨江富厚之家多有養鹿以取茸者年割一次其茸不及山鹿之優

熊

俗名黑瞎子毛純黑項下白毛形如新月足粗大前短後長能升木其蹄曰熊掌味肥美其胆苦寒可入藥治目疾最效

臨江縣志

卷三 物產動物 毛類

二十八

臨江藝文齋印刷所印

麂

狀似鹿俗名狍子色蒼黃角長四五寸肉鮮美毛溫而脆易脫落其皮能隔潮濕舟人多用之

貂

形似小貓俗名老頁子又名大頁子身長尺許毛為黃灰色有亮光生於樹林山洞中每至冬令天降大雪出洞覓食洞口印有踪跡獵人查悉以網網之可得每皮一張價值五六十元若用貂皮製帽冬令大雪未待雪花落下立即釋化熱度極高故為三寶之一

(寅)鱗介類

鯉

詩豈其食魚必河之鯉即此按神農書云鯉為魚王脊旁之鱗均為三十六片大小皆然鱗上各有黑點鳴渾兩江

皆產之大者重二十餘斤

鯽

俗名鯽瓜子形似鯉而小腹大脊高體白頭黑池塘中多產之味鮮美食之可以健脾其膽可醫目疾

鮒

俗名泥鰍魚似鱧而短伏泥中無鱗

鮎

周身無鱗有粘液體扁圓口大生於流水者色青白生於水泡子者色青黃

細鱗

口大鱗細體扁而長大者二尺餘前清時代各縣貢之有定數用以祭祖

重脣魚

體似細鱗略圓大者重三四斤鴨渾兩江皆產之其脣有內外兩層故名

臨江縣志

卷三 物產動物 鱗介類

二十九

臨江藝文齋印刷所印

鯊魚

詩魚麗于箔鱧鯊卽此俗呼沙包形似重脣略小刺最多其味亦次於重脣魚

鰲花魚

體扁似鯽身有黑斑脊有刺十二刺人最痛肉鮮美爲鴨渾兩江諸魚之冠

鱧魚

俗呼黑魚身而圓長力最大身有七星作北斗象大者重三十餘斤

鰻魚

似蛇無鱗其尾略扁肉最美有黃白二種其血可治眼嘴歪邪等症

船釘魚

身長三四寸頭方身圓形如船釘故名

麥穗魚

似船釘而身略扁長二三寸形如麥穗故名

鮓

似鮎魚而大色土黃背有肉髻無鱗俗名槐子魚又名黃昂子魚

白鰓子

體扁長二三寸有青白二種

紅翅子

體似白鰓子而翅間色紅故名

滑皮勞子

體似白鰓而略圓皮有粘液極滑故名

柳根子

形似柳葉故名身長一二寸為江河中魚之最小者

蝦

身屈有環節多足尾有硬鱗善騰躍江河池澤中皆有之然無大蝦其體短小名草蝦不能成蝦米

蟹

八足二螯俗呼旁蟹以其側行故也境內所產其體小於海蟹味亦不及

臨江縣志

卷三 物產動物 鱗介類

臨江藝文齋印刷所印

蛤蜊

殼色灰黑形似杏核多產於池塘中肉味不及海蛤遠甚說文甲蟲也又名甲魚甲可入藥肉可食境內所產渾江

多於鴨江

蛙

說文蝦蟆屬體似蝦蟆而小背青綠色尖嘴細腹俗呼青蛙

癩蝦蟆

皮多疣如癩故名眼上有白泡取其汁名蟾酥可入藥能除一切毒症

蛤什蟆

形似蛙而肥產於江河山澗池澤等處雄雌皆可食雌者俗呼母抱子脂膏尤富士人取作羹曰蛤蟆羹味極鮮美

螭蛄

體似蝦而大前有二螯身有硬殼伏江河石底秋後食之

尤鮮美若多取而盈斗以磨研細作腐名曰螻蛄豆腐味
鮮美若蝦羹

(卯)蟲類

蛾

有蠶蛾蟲蛾之別蠶蛾由繭蛹化成蟲蛾由野蟲所化境
內以氣候關係無山蠶僅有養家蠶者其蛾色白

蚊

說文嚙人之飛蟲也由水中孳孳所化三伏最多日落羣
出鳴聲如雷

阜螽

詩趨趨阜螽即此似蝗而小俗呼螞蟥善跳躍常伏草間
其色亦隨草色而變

馬蟥

俗呼錢龍又呼錢串子似蜈蚣而小不螫人

臨江縣志

卷三 物產 動物 虫類

三十一

臨江藝文齋印刷所印

螟螣

禾稼之害蟲也螟食苗心螣食禾葉詩去其螟螣即此
本草一名天蝮一名仙蝮俗呼拉拉蛄又呼地狗子穴土

而居四足短翅亦禾稼之害蟲也

螳螂

俗呼刀郎頸長翼狹性勇敢秋後孕疇作房謂之螳蛸

蚰蜒

體細而長多足身有環節有毒汁似蜈蚣而較細

蜂

說文飛蟲之螫人者其毒在尾垂穎如鋒故謂之蜂有蜜
蜂土蜂馬蜂三種家養者爲蜜蜂生山中者小曰土蜂大

曰馬蜂馬蜂螫人最痛詩莫予憑蜂自求辛螫即此

蝶

一作蛺蝶種類不一皆蟲所化有黃白粉紅紫黑各色最美

麗者曰花蝴蝶

蜥蜴

詩維虺維蜴即此一名石龍俗名馬蛇子頭尾似蛇短而有足大者身長四五寸常伏道旁草中石罅中亦常見之

蜻蜓

俗名螞蛉六足四翼飛翔水際杜工部詩云點水蜻蜓款款飛即此

蟻

俗名螞蟻性勇敢好鬪能合羣有黃黑二種穴居知雨鬪時蟻王率之列陣以待至死不退

蟋蟀

詩蟋蟀在堂即此似蝗而小色黑有光有角翅一名蜻蛉又名吟蛩南人謂之王孫北人謂之促織善鬪秋後天涼則鳴牆罅草祭多見之

蛇

俗名長蟲毒物也有黑白青黃諸色境內所見色黑有冠

臨江縣志

卷二 物產 動物 虫類

三十二

臨江藝文齋印刷所印

者曰烏稍色青頭有紅點身有斑紋者曰野雞脖子色白身無文者曰白帶子膽能解毒中蛇毒者食其膽立解冬藏土中曰入蜚春出土中曰出蜚

蜘蛛

有家野二種大者為蜘蛛小者為喜蛛俗謂喜蛛來而百事喜能吐絲結網野蜘蛛布網於林間家蜘蛛布網於簷下各捉飛蟲食之

蚯蚓

禮月令孟夏蚯蚓出仲冬蚯蚓結俗呼曲蟾生於土中陰雨時蠕行地上釣魚者常取之以為餌

蠅

有青蠅蒼蠅二種性喜污穢為引疾之媒故人多惡之

蟬螂

有大小二種為無血動物常居鍋竈坑縫之間

臭蟲

嚙人蟲居牆壁間滋生甚速臨江昔無此蟲近因五方雜處遂由外埠帶來滋生漸夥

蚤

嚙人蟲色黑形小善騰躍溼地所生

虱

亦嚙人蟲較蚤為大生人身上

虻

俗呼瞎虻口尖銳有翅能嚙人畜

螢

每秋產卵草中至次年經伏雨孵化而出故古有腐草為螢之說有翅能飛臀部夜放火光俗名映火蟲又名狗屎

明

阜螿

北人謂之蛄蛄一名札兒有雄雌之別雄者以翅鳴雌者翅短腹大尾如針不鳴

臨江縣志

卷二 物產 動物 植務 穀類

三十三

臨江藝文齋印刷所印

植物

(甲)穀類

蜀黍

俗呼為高粱本草云種來自蜀故名蜀黍種類不一有紅

殼散穗紅殼緊穗黃殼散穗黑殼散穗黑殼緊穗數種高

丈餘葉形似劍粒圓去其糠可煮粥及飯研為粉末可製

餅餌並可釀酒喂馬其楷可為燃料及籬障皮可製席其

黏者曰黏高粱有紅白黑三種黏高粱之穗長可為帚者

曰筴帚黍

玉蜀黍

俗呼包兒米以粒藏包中故名葉似高粱楷略短有甘玉

馬齒白黃數種為土人常食之品每當新穀未熟時採其

嫩穗煮之可以接濟食糧成熟後或磨爲粉麵作餅或碾成糝子作粥色白者可攪入麥粉中

稻

說文稌也詩周頌豐年多黍多稌韻會謂之有芒穀本縣有水稻旱稻黏稻數種其穗有芒者俗呼毛頭杭子無芒者呼爲光頭杭子佃種水稻者多朝鮮人旱稻黏稻種者極少俗呼黏稻爲糯米稻楷可綯繩製袋苦房米爲最上食品黏稻米更可釀酒包粽子倘漚爲米粉可製上等餅

餌

粟

俗呼爲穀子喜燥畏水故本縣種者極多色白者爲上黃者次之其穗下垂粒圓而小去殼呼爲小米乃農民普通

臨江縣志

卷二 物產 植物 穀類

三十四

臨江藝文齋印刷所印

食品又可造酒其楷俗呼爲穀草可飼牲畜

麥

有大麥小麥之別廣雅小麥曰來大麥曰牟詩周頌貽我來牟大麥一名穰麥分有芒無芒二種宜爲飯土人多炒熟磨麵食之曰炒麵又可釀酒製飴爲醬油原料小麥有紅白二種亦分爲有芒無芒本縣春種處暑後始熟可爲麵爲土人最上食品其藁可製夏帽並各種玩器亦有用以苦房者

黍

說文禾屬而黏者也以大暑時收穫故謂之黍俗呼糜子分紅黃二種黃者粒大俗呼大黃米紅者粒小俗名小黃米又名黏穀均可爲飯釀酒及製餅餌惟紅者黏性次於

黃者

莠麥

本草作蕎麥莖弱而翹然易收易長磨麵如麥故名有大稜小稜黃色黑色之別以黑色者為佳夏種秋熟農人與蘿蔔同時下種兼用以補豆地之缺苗者其麵可作麵條及餅餌蒸餃之用

稗

穀類之最下者孟子苟為不熟不如蕘稗性宜窪地俗呼稗子其米可食其藁俗呼稗草可飼牲畜亦可葺屋本縣種者極少

大豆

爾雅大豆菽也有青黃黑白諸色黑豆一名烏豆本縣種者甚少青黃兩色出產最富可榨油製腐造醬其粕可製

臨江縣志

卷三 物產 植物 穀類

三十五

臨江藝文齋印刷所印

豆餅為出口大宗

小豆

即古之細菽分紅白斑駁諸色農人多於高粱玉蜀黍隴間種之可攪入米作飯或釀酒製粉條紅者並可作藥品名曰紅小豆

芝麻

正字通麻即油麻俗呼芝麻性畏水農人多於玉蜀黍及豆地雜種之可榨油為油類之最上品其粕可作醬俗稱芝麻醬

藁豆

土人以其色綠又曰綠豆性寒可清熱解毒盛京通志云粒粗而深綠者為上粒潤而淡綠者次之形圓如珠較大豆為小攪入米內煮飯人喜食之本縣種者極少可製餅

餌漚之可製粉爲粉條最上之品潤以水生芽曰菘豆芽可佐蔬菜之用

蘇

本草注蘇舒暢行氣和血故謂之蘇俗呼蘇子有赤白二種子可榨油味最美惟牲畜不食農人多在地邊隴頭種之以防牲畜之蹂躪

大麻

俗呼線麻有雌雄之分雄者名泉麻雌者名苴麻子可榨油漚之取其皮曰線麻用途極廣亦本縣出口大宗農人除特種外尙有雜種於豆地間者

綵麻

一名青麻其幹高大卽古之苧麻也種者較大麻爲少皮粗糙可紡繩製履楷可引火

臨江縣志

卷三 物產 植物 穀類

三十六

臨江藝文齋印刷所印

西天穀

種自西域來故名有紅白二種農人多種於園圃間以紅者爲多粒如穀子或炒熟磨麵食之曰炒麵

蠶豆

因形如蠶故名盛京通志按豆類惟斯豆無枝蔓故亦名樹豆本縣種者極少可佐蔬菜之用

雲豆

盛京通志種來自雲南故名又以形扁者曰扁豆有早晚二種嫩時食皮以爲蔬老時食粒以爲飯

豇豆

莢對生俗名長豆角農人無特種者多雜種於高粱玉蜀黍地內嫩時用作蔬菜老則取其粒矣

眉豆

形如眼眉故名有青白紫三種農人多種於牆下或籬落間嫩時摘其角以佐蔬菜老則取其粒攪米煮飯

(乙)蔬類

菘 俗名白菜南史周顒傳秋末晚菘以不畏風霜有松之操故曰菘盛京通志菘有二種葉寬嫩黃者曰黃芽白窄莖者曰箭桿白爲蔬類上品近由外洋傳來者曰疙疸白亦菘類

韭 禮曰豐本宿根一年常有有悠久之義故曰韭春初發芽時最美園圃中多種之亦有二種葉寬厚者曰薤窄細者曰韭

葱 一年常有春初發芽者曰羊角葱秋初種者曰白露葱冬日藏者曰乾葱爲調和五味之品

臨江縣志

卷二 物產植物 蔬類

三十七

臨江藝文齋印刷所印

蒜 有大蒜小蒜之別按孫愐唐韻云自張騫使西域大蒜始入中國盛京通志蒜有白皮紫皮二種本縣所產以紫皮者爲多小蒜生田野間根頭極小俗呼小根菜其味與大蒜略同解凍後婦孺多採食之

芥 爾雅芥似菘而葉有毛味辛苦根大葉粗者爲芋芥亦曰大芥根小葉細者爲小芥皆可醃爲鹹菜

菠菜 相傳唐太宗時波羅國獻菠薐菜卽此也有紅白二種春秋皆可種質極柔味甘園圃中多種之

芹 詩云薄采其芹有水旱赤白之分莖有稜味芬芳可炒食之有天然生於山澗中者亦可食

薑

性剛味辣可以驅除邪味魯論鄉黨篇不撤薑食本縣種者極少僅有植於花盆內者

蒿苳

杜工部有種蒿苳詩可知此物唐代已有之有青紅二種宜生食不宜熟食故俗呼生菜農人除特種外又多雜種於玉蜀黍地內

蓀萎

一名胡萎又名芫萎說文作葍薑屬俗呼香菜春秋二季皆可種

蒔蘿

一名小茴香本草蒔蘿生佛誓國一名慈謀敕實如馬芹本縣種者極少

秦椒

臨江縣志

卷三 物產 植物 蔬類

三十八

臨江藝文齋印刷所印

一作秦芫味極辣故俗呼辣椒有長圓二種圓者形如柿子呼為柿子椒長形者味尤辣生青熟紅可生食亦可醃食

蘿蔔

一名來菔又作菜菔形圓而皮紅者為大蘿蔔長而青者為青蘿蔔細長而紅者為水蘿蔔子可入藥名菜菔子本縣種者極多為蔬菜中佳品生熟皆可食

胡蘿蔔

有赤黃二種生熟皆可食本縣所種以赤色者為多

山藥

一名諸蕘韓昌黎送文暢北游詩云山藥煑可掘是知唐代已有此物子生葉間如鈴俗呼山藥豆可煑食莖圓而長大者二尺餘味甘美宜熟食

馬鈴薯

形如馬鈴故名俗呼地豆有紅白二種紅色者為外洋種

芋

熟較早白色者為本地種味較佳種者極多

俗名芋頭史記項羽本記士卒食芋菽即此也葉大如荷
莖長圓形煮食之味與山藥略同

甘藷

一名地瓜有紅白二種蔓頗長實生土中秋後挖出煮烤
均宜味極甘美本縣種者極少間有用以釀酒及製粉條
者

苦菜

一名苦蕒詩邶風誰謂荼苦即此也葉細長斷之汁白花
黃似菊而極小俗呼苦馬菜又呼曲馬菜春初野生婦孺
多採食之

茄

本草一名落蘇種類不一有白紫黃青水旱之別本縣所

臨江縣志

卷三 物產 植物 蔬類

三十九

臨江藝文齋印刷所印

產以青紫種為多

地膚

俗名掃帚菜嫩時可食老則取為掃帚

灰藿

即灰菜以色灰綠故名幼時可食鄉民多採之以飼豬鴨

卷耳

葉圓如鼠耳多叢生於園圃道旁莖葉皆有微毛詩云采
采卷耳即此

同蒿

以形味同蒿故名詩云于以采繁即此

四葉菜

此為本縣特產形如塔每層四葉故名根黃色形如山蓼
宜熟食

刺嫩芽

葉似杏幼時莖紅可食

管仲菜

相傳管仲伐山戎命兵卒採食之故名莖如箸上端曲作

鉤形葉最小嫩時可食

猴腿菜

形色均似猴腿故名葉最小赤紫色其莖較管仲菜爲細以上三者亦臨江特產

蕨

詩言采其蕨卽此莖長二三尺赤褐色上端有如許小葉遠望之如穗嫩時可食

黃花菜

以開黃花故名俗呼金針菜取其花瓣曬乾可炒食或云卽萱草也

薺

詩云其甘如薺春初多生於山野間葉細長貼地如輪婦孺採者極多

木耳

俗呼黑菜叢生於腐敗之倒木上經雨始生色黑形如貓

臨江縣志

卷三 物產 植物 蔬類

四十一

臨江藝文齋印刷所印

耳雨後採之爲本縣出口貨之一宗

黃蘑

又名凍蘑叢生於柞樹上椴樹亦有之腐敗之倒木上生者尤多然不如生於活樹上者美色黃形似蓋又名地蕈秋後採之亦爲本縣出口貨之一宗

榛蘑

因多生於榛棘之間故名幼時形如釘其莖較黃蘑細長夏秋之間採者極多

榆黃蘑

叢生於古榆之上味甘美爲蘑菇中最上品不易多得和鹽炒晒之曰塩洗蘑味尤美

對磨

對生於楊樹之上故名對磨形似黃蘑而大灰白色不多見味較黃蘑爲佳

羊肚磨

以形如羊肚故名色白生於林間地上味甘美不多見

黍雞磨

色黃如黍碎之絲如雞肉故名其形圓大於他磨味甘美與榆磨同生於梨樹之上以上三種為本縣特產

(丙)瓜類

王瓜

俗呼黃瓜月令孟夏之月王瓜生即此形細長有茨幼時色綠老則色黃有早晚二種園圃中多種之

西瓜

唐時征回紇得此種以歸故名扁圓形本縣所種以青皮紅瓢黑子者為多名為青皮黑兼有金鑲玉花力虎青斑

條等名瓢分黃紅粉白等色味甘涼食之能却暑氣

甜瓜

俗呼香瓜詩七月食瓜即此本縣所種有青黃白三種又

臨江縣志

卷三 物產 植物 瓜類

四十一

臨江藝文齋印刷所印

有羊角蜜小白仁芝麻粒大青皮等名七月成熟味甘美

菜瓜

俗呼梢瓜又名越瓜盛京通志短者為菜瓜脆者為脆瓜類似甜瓜惟其形較長味略酸

打瓜

形似西瓜而小瓢紅味酸子大而多熟後剖取其子炒食最佳

窩瓜

俗呼房瓜開黃花形圓又呼柿子瓜亦有長圓形者味甘美本縣種者極多

冬瓜

一名白瓜形類枕皮白如粉其子亦白故名本縣種者極少

絲瓜

一名天羅形細長而曲嫩時可食老則筋如亂絲可製夏

帽本縣種者亦少

玉瓜

形圓而長開白花農人多種於牆下或籬落間宜熟食不宜生食

攪瓜

一名黑瓜形似窩瓜而小開黃花有青黑二種熟後其瓢如絲用醬醃之食時以箸攪而出之故名

壺

即匏瓜今以細而長者爲匏圓而大者爲壺嫩時皆可熟食老者可剖作瓢或作容具最小者可作玩器論語吾豈匏瓜也哉詩八月斷壺卽此

(丁)果類

松子

生於檜松之上子房如塔俗呼松樓每層皆有子多少不

臨江縣志

卷三 物產 植物 果類

四十二

臨江藝文齋印刷所印

一秋後成熟形如牙上銳內含油質農民多採售之以搏微利生熟皆可食炒熟食之尤香又有小松子生於油松之上本縣無採之者

桃

本縣無特植者故無大桃僅有毛桃一種爲天然產物雜於林木之間秋後成熟實小味略苦

杏

本縣所見亦爲天然產物實小味酸六月成熟未有如內地之大杏似梅子者

李

春花秋實種類甚多本縣所產分家李山李二種家李實大幼青熟紅多水分味甘美山李爲天然產物實小幼青熟黃味酸澀食之亦可解渴本縣家李較少

梨

本縣所產亦有家梨山梨之別家梨有香水自來脆二種
僅見於一二家果園之內山梨種類甚繁所知者有尖杷
秋白紅皮餽餽核桃杜梨數種總名曰凍梨初熟時味酸
澀不可食必先置於麥糠或穀糠內沃之俟其質軟再置
於院中凍之食時以涼水消化甘涼適口

葡萄

有家葡萄山葡萄二種家產者有羊奶雞心之別粒大味
香甜僅見於段姓果園中山葡萄粒小徧山皆是其蔓蟠
於樹上霜降前味酸澀不可食霜降後味甜酸採者極多
亦可釀酒

棗

本縣無特植者僅有山棗一種粒小形圓間有長圓形者

臨江縣志

卷三 物產 植物 果類

四十三

臨江藝文齋印刷所印

幼青熟紅秋後成熟婦孺多採食之

菱角

又作菱角說文菱也陸佃詩疏三角四角曰菱兩角曰菱
本境池沼中多有產者煮食之味鮮美

羊棗

孟子末篇曾皙嗜羊棗卽此物也俗呼軟棗其蔓與葡萄
略同掛於樹上實似家棗色青熟則軟霜降後味愈甘美
山熊最喜食之

榛子

詩山有榛卽此其樹叢生高四五尺實生於梢幼青熟黃
立秋後採而曬之去其殼生熟皆可食炒食尤佳

石榴

博物志張騫使西域得其種以歸實圓幼青熟紅垂若贅
瘤子有稜似牙咀其汁味甜酸臨江夙無此物近有自魯

省移來種於花盆內者

櫻桃

有紅白二種紅者曰瑪瑙櫻桃白者曰玉櫻桃臨江所產以紅者爲多玉櫻桃僅見於段姓果園中

胡桃

俗呼核桃以種來自胡故名其樹曰核桃楸子實似家桃幼青熟黃外皮軟味臭內含硬殼剖其殼取肉食之味最美炒食尤佳可入藥及製點心

山梨紅

實似山楂而小產於園圃及牆下者實略大本縣不多見產於山林間者極多實小味酸澀霜降後採者甚衆

山椗子

形似棠梨色紅味酸霜降後則甜而可食以糖餞食尤佳俗名雞頭菜或謂之雁頭或謂之烏頭皆象形也葉似荷

芡實

臨江縣志

卷三 物產 植物 果類

四十四

臨江藝文齋印刷所印

而大有刺實如雞頭剖之有子如豆可生食亦可入藥

燈籠果

俗呼姑姑奴外有皮中含一果如燈籠然幼青熟紅味甜酸可生食本縣荒地內多產此物

(戊)木類

楊

說文蒲柳也臨江有青白二種青楊葉大而圓白楊葉小而尖枝幹高舉可爲棟梁之材河岸道旁多見之

柳

說文小楊也臨江有垂柳杞柳二種垂柳幹高而巨枝條下垂俗呼垂楊柳杞柳叢生河堤之上多有之其條細長去其皮可揉作筐篋等器

榆

種類甚多臨江所產有黃赤刺花數種黃榆實形如錢俗

呼榆錢可蒸食赤榆木質堅硬可作車軸刺榆枝間有刺
幹多彎曲花榆紋理極細可爲几案其節之臃腫處曰榆
木包花紋尤勝可飾器用人多珍之

荆

說文楚木也叢生於山坡之上土人呼爲荆條高四五尺
農人多用以編筐筥

油松

葉如針皮如龍鱗幹巨多彎內含油質松類中之不材者
一名檨松幹高而直最高者六七丈無巨枝葉似油松而
短遠望之如蓋木質細膩光潤可作棟梁之用卽詩經所
謂喬木也

刺松

幹細而低多刺最高者七八尺木質堅硬多紋理用作器
具最佳

臨江縣志

卷三 物產 植物 木類

四十五

臨江藝文齋印刷所印

赤白松

爲松類中最上品紋理既細又堅韌耐久香味亦極濃厚
可作箱櫃及棺槨之用臨江近來甚不易得

黃花松

葉形似蒿又名黃蒿松木質次於赤白松亦爲近年不易
得之木材

杉松

亦長青喬木葉與紅松略同木植粗糙不及紅松光潤秋
日結毬果較紅松略細子亦不及紅松之大惟木材用途
甚廣

棒松

爲松類中之稀罕品葉似短針最大者高七八尺粗一尺
木質堅而香其味濃於赤白松可作衣箱之用

魚鱗松

爲松類中最高大者皮似魚鱗葉似紅松不結果巨者高十餘丈粗可合抱棟梁材也

檉

河柳也詩其檉其楛一名觀音柳又名西湖柳高丈餘枝細長葉密生作小鱗片形開紅色小花土人呼爲赤莖柳其條可編筐篋

青剛柳

木質堅硬較他柳耐朽惟其幹彎曲不成材者最多

黃柏

俗呼黃字蘿幹高大質堅皮可作黃色染料木可造車其心腐朽者可作引火之物

柺

柺類俗呼葶蘿科子有二種一叢生高五六尺葉狹長可飼蠶一特生高丈餘葉作掌狀秋後農人採之用裹麵菜

臨江縣志

卷二 物產志 植物 木類

四十六

臨江藝文齋印刷所印

蒸食曰菜乾糧

櫟

俗呼柞樹高三四丈葉狹長邊有鋸齒實圓而端尖謂之橡實樹皮與實殼可作染料木質堅硬用途最廣其彎曲不材者宜爲薪炭葉嫩時亦可飼蠶實可飼豬

樺

爲遼東特產高三四丈葉卵形而尖皮白易剝脫且輕軟堅韌有紫黑斑紋用途甚廣可裹弓幹刀靶鞍鐙等物其節之臃腫處曰樺木包可以雕刻玩器

樗

高三四丈質鬆而白皮粗色似漆葉羽狀有臭氣又名臭椿多生於河岸山坡之間

檉

葉似木槿臨江所產分紫白青三種白者細潤紫者堅韌

用途最廣作几案最佳皮柔韌可束物亦可綯繩俗呼檟麻

槐 高二三丈葉羽狀花蝶形色黃實爲長莢狀如蓮珠中含黑子可入藥

楸 臨江所產有大小二種小者實形似桃俗呼核桃楸子高一二丈質鬆枝岔過多成材者少大者高三四丈質堅潤多紋理用途甚廣

棟 俗呼色木大者高二三丈分紫白二種木質堅韌異常可作扁担及車輞其節之高起處曰色木包紋理精美用製玩物勝於樺木包

臨江縣志

卷二 物產志 植物 木類

四十七

臨江藝文齋印刷所印

煖木 叢生木也葉似楊秋日結實色黑形似棗可食高五六尺

皮軟而煖故名農人多採作手杖鞭杆

冬瓜木 一名水櫃柳葉赤青色叢生河堤之間境內不多見

老鶴眼 俗呼鼠李叢生江河兩岸高者五六尺秋日結子色黑木質堅硬有花紋間有赤圓如老鶴眼者故名可製手杖

凍青 寄生木也附他樹上經冬不凍色青葉橢圓形子赤青色形似菘豆幹似葡萄而堅其附生於山梨紅樹者子可治癆傷咳嗽等症

(己)草類

黃菸 俗名葉子菸一名淡色菰幼青熟黃實似棗種子似芝蔴

採其葉晒之味濃厚遠勝於內省所產土人多嗜之爲本縣出口貨之一宗

靸鞞草

俗名塔頭多生於窪地生於山者曰羊鬍草性煖而柔農人冬日實靸鞞中足可不凍亦可造紙土人與蓑貂並稱關東三寶靸鞞二字滿語革履也臨江此草甚多爲本地特產

藍

說文染青草也有大藍小藍槐藍三種大藍葉似蒿苜而肥厚小藍莖赤葉綠而小槐藍葉如槐葉皆可作靛能染青藍二色臨江種者以小藍爲多

蓑草

一作莎說文一名侯莎莖三棱形農人用製蓑衣蔽雨其

臨江縣志

卷三 物產志 植物 草類

四十八

臨江藝文齋印刷所印

根周匝多毛名香附子一名頭香可入藥

艾

詩彼采艾兮葉似蒿而小背白色俗傳端午早起採者可醫小兒風症並可解毒醫家亦用灸百病故又名灸草

水稗

俗名蓬子棵生水澤中形似稗莖含水分甚多可飼牲畜附生穀中俗名穀莠子幼時與穀同難辨認大則莖略赤毛穗不結實農人割飼牲畜

蓬

俗名羊蹄葉葉大似蕉莖中空子似苕麥色赤黑俗傳以此實枕耳可不聾

茅草

幼時茅可入藥老則葉細長可實靸鞞根有節橫生地中採而嚼之味甜

錯草

一名木賊生河岸山陰等處無葉莖高尺餘中空有節皮有細稜可以攻錯木器製銅錫器者亦用之為本縣出口貨之一宗

苦草

俗名荆秧草有大小二種大者莖粗而勁子如小麥有刺苦屋多年不朽境內不多見小者莖細而弱荒地多生之亦可苦房農人有時種之者

羊草

一名羊鬚草長尺許莖末圓硬如松針色油潤農人秋日割之以備冬飼牛羊之用飼馬尤宜

蒲

俗呼蒲棒有香臭二種香蒲根如笋可食其茸入藥名蒲黃臭蒲又名菖蒲不可食

臨江縣志

卷三 物產志 植物 草類

四十九

臨江藝文齋印刷所印

水葱

似葱而長生水澤中其莖可織夏扇俗稱蒲扇境內不多見

蓬

詩彼茁者蓬俗呼蓬蒿子又呼蓬科子秋後隨風而轉踪跡無定

萍

本草萍即楊花所化先見一葉經宿即生數葉葉下有微鬚即其根也常浮水面故又稱浮萍

茨

詩牆有茨即此蔓生多見沙地上子三角形有刺俗名茨黎狗子

藺

多年生草莖圓密生細長有粗細二種一長四五尺一長丈餘細花黃褐色可編席及蓑衣亦稱燈心草又名馬藺

薊

多年生草有大小二種大者四五尺葉為羽狀邊緣多刺秋開紅紫花長而下垂小者高尺餘葉青多刺背有毛如蛛網開淡紫花荒地多生之

芸

一名香草莖高一二尺下部堅若木質故又稱芸香樹葉羽狀夏開黃綠花花葉俱香聞數十步置葉書內能驅蠹置席下能驅蝨蚤或謂即鄭康成之書帶草其種子可製油為婦女理髮之用

葇

多生窪地可喂牛馬

藻

俗呼雜草生水中詩于以采藻即此

荇

詩參差荇菜即此葉似蓴形圓面青背紫平貼水面夏開

臨江縣志

卷三 物產志 植物 草類

五十一

臨江藝文齋印刷所印

淡黃色花五裂邊緣多毛莖葉嫩時可食

苜蓿

蔬類之野生者有三種一紫苜蓿一黃苜蓿一南苜蓿臨江所產者為黃苜蓿莖不直立葉為羽狀尖而瘦花黃三瓣俗稱摺不齊草

酢醬草

莖細有穗如稗園邊河岸多見之

莪

詩菁菁者莪即此一名蘿蒿生於河畔窪濕之地莖葉似萹蒿開黃綠花排列如穗莖嫩時可蒸食

藜

一年生草莖高五六尺葉心色赤卵形有鋸齒花小黃綠色嫩時可食莖老可為杖古人讀書燃藜以其火光最明又名萊詩北山有萊即此俗稱紅心灰藿

(庚)花類

鳳仙花

俗名指甲草有紅白二色葉似桃柳長而尖花開頂端者
又名佛頂珠有頭翅羽足等狀翹然如鳳女子恒用其汁
以染指甲

金雀花

叢生莖褐色花開葉旁色黃兩瓣勢如雀翅故名臨江所
產間有白色者

芍藥

有家野二種家芍藥高二尺餘初夏開花碩大且麗以紅
紫二色為多野芍藥花較小以白色者為多根有赤白二
色可入藥

葵花

一名轉日蓮又名向日蓮王禎農書云葵陽草也本縣所
產莖頂開黃花大如盤隨日而轉有蜀葵錦葵兔葵諸名
紫黑色可食

臨江縣志

卷三 物產志 植物 花類

五十一

臨江藝文齋印刷所印

映山紅

叢生灌木也葉似槐花紅色複瓣為本縣花開之最早者
解凍後花開滿山故又稱滿山紅

桃花

粉紅色暮春開花灼灼可愛詩桃之天天灼灼其花
粉紅色開時較桃花為早

杏花

色潔白如雪味頗清香

月季

薔薇類也逐月開花故名有紅白黃三種不結子一名月
月紅又名長春花性畏寒種者剪其枝埋於盆中一年後
開花

江西蠟

花似菊而小其種來自江西故名有紅白紫粉等色形狀亦多最上者白色瓣如針長二寸餘與玉針菊略同

菊

有家菊山菊之別山菊花小單瓣有紅紫黃白諸色家菊植於盆中花大複瓣亦有黃白紅紫諸色其形甚夥有蟹爪白玉針粉粧樓等等名稱均鮮艷可愛

木槿花

一名合婚花又名夜合以其朝開而暮合也詩謂之舜華花粉紅色取其瓣漚之罐油中醫火傷神效

蕺草花

一作萱花卽金針黃花菜相傳食之忘憂故又稱忘憂花詩焉得蕺草言樹之背卽此

山丹

花紅色六瓣外捲根如蒜頭名紅百合可食

臨江縣志

卷三 物產志 植物 花類

五十二

臨江藝文齋印刷所印

金盞

花黃似金形如盞故名庭院中多見之

蝴蝶花

一名蝴蝶梅葉似蘭草花形如蝶有藍紫黃白等色

藍雀花

色藍形似小雀故名多見於山麓

江南菊

根似地瓜故俗呼地瓜花高四五尺開紅花瓣如鼠耳叢積如毬亭亭可愛

玉簪

一名曰鶴仙潔白可愛未開時形如玉簪故名黃庭堅詩云玉簪落地無人拾化作東南第一花卽此

刺梅

一作刺藤叢生莖多刺葉圓而青花瓣重疊狀似玫瑰而大故又名玫瑰本縣所產色黃多刺

石榴

有紅白黃三種本縣不多見僅有植於盆中者開紅花實

亦較小又有不結實者曰花石榴

柳桃

俗名假桃花葉似柳花如桃不結果春種夏開本縣種者極多

丁香

有紅白二種臨江無特種者只見於山野間曰野丁香以紅色者爲多

石竹

草本叢生枝葉如竹故名花有五色園中多見之李太白詩云石竹繡羅衣卽此

雞冠

花形如鷄冠故名有紅紫黃白四種本縣所見以紫色者爲多間有紅色者

馬纓

色赤形似馬纓故名其花下垂一枝十餘朵高者六七尺

臨江縣志

卷二 物產志 植物 花類

五十三

臨江藝文齋印刷所印

一名合歡花其葉晝舒夜捲臨江向無此花近有商人自內省移來者

紅蓼花

俗名水公子又以形同狗尾呼爲狗尾花色紅間有紫色者有馬蓼虞蓼二種馬蓼穗長虞蓼穗短多生於水澤中唐詩紅蓼花疎水國秋卽此

繡毬花

花瓣叢生如毬開時色灰白遂變爲藍爲紫爲黃鮮艷可愛是花性之最奇者

秋葵

色正黃而朵小開亦向日故名葵生於道左花藍色狀如小蜨葉長如蘭秋後農人割以束

馬蘭

物

西洋菊

俗名步步登高逐節生莖逐莖開花有紅黃紫等色自開至謝約經百日故又呼百日草

洋海棠

木本開紅花下垂形似燈籠故又名燈籠海棠花盆中多見之

(辛)藥材類

細辛

亦名小心本境出產最豐亦最有名所謂遼細辛者是也葉圓莖短春日採之晒乾運往南方獲利最厚為陰寒之聖藥尤能殺諸蟲

熊膽

俗呼黑瞎子膽熊猛難得誠珍品也為治膽經熱症之良品

臨江縣志

卷二 物產志 植物 藥材類

五十四

臨江藝文齋印刷所印

黃精

俗呼筆管菜根可蒸食秋日採之有輕身明目補氣養血之功味甘色黃於治脾胃尤有專長細小者名為玉竹

蒲公英

俗稱婆婆丁狀如金簪草花有黃白二種葉似曲牙菜斷之有白汁能瀉火為治瘡癤第一聖藥

茵陳

亦名萬年蒿俗語云三月茵陳四月蒿乃因其初生為茵陳漸大即為蒿也宿根連生陳陳相因故名茵陳有驅濕健脾之功黃疸病多用之

苦參

俗名山槐根生於山坡皮黃肉白能瀉脾肺之火即黃波羅樹之皮為本地出產大宗剝下晒乾運往南方

本地人有專營此業者

黃柏

杏仁 俗稱爲山杏仁本地所產小而瘦不適用

桃仁 與杏仁同亦不適用且出產甚少

木通 秧生其幹附於他樹之上秋後斫而晒之去其粗皮運售

他方爲出口貨之大宗

車前子 俗呼當道子葉似輪當道而生詩云采采芣苢卽此物也

俗又呼車轂輪菜能入腎爲利水之聖葯

益母草 俗呼益母蒿叢生五六月時刈取熬膏名益母膏爲婦女

調經專品子名充蔚子能治目疾詩云中谷有蕞卽此物

也

鹿茸 有馬鹿梅花鹿之別馬鹿形大花鹿形小身有梅花茸卽

臨江縣志

卷三 物產志 植物 藥材類

五十五

臨江藝文齋印刷所印

初生之角若家養之鹿其茸可按時割取但不及山鹿之

優有佛手仙人掌王瓜茄包馬鞍四叉八叉諸形爲補腎

養血之仙品

瞿麥 俗名石竹子花草本色青翠如竹有五色爲利水治淋之

專品

苦丁香 俗名甜瓜蒂把味最苦食之令人上嘔爲倒痰聖葯

猪苓 形似猪屎故名生松下有言係松樹之精液所成功專利

水亦本處出口葯材之大宗

卷柏 生於石縫中葉似柏而卷曲能通經破瘀血

五味子 其形如珠其色最紅善備五味故有五味子之稱能止痰

補腎亦爲出口藥材之大宗

防風 亦名旁風多生於濕地葉似菊氣味辛性溫能去人身濕氣

獨活 俗名獨握草蔓生不甚堅硬雖被小風吹之亦搖搖欲動節疎色黃者爲獨活節密色紫氣猛烈者爲羌活

牽牛 有黑白二種白花者爲白丑藍花者爲黑丑俗稱爲喇叭花其子入藥專入大腸有攻下之性

扁蓄 俗呼爲扁蓄草亦呼爲猪牙草野地叢生專利小水

木賊 俗呼錯草中空有紋色綠無葉一莖直上生於山中平地功專明目去雲翳又能錯木質故名木賊

臨江縣志

卷三 物產志 植物 藥材類

五十六

臨江藝文齋印刷所印

萊菔子 即蘿蔔子性溫微有辛味外紅而內黃專主順氣消食

党參 性溫味甘有補氣生津之功與人參功用相同但不及人參之性純良耳本地所產者最佳性平能健中補脾爲東省之特產

紫蘇 色紫故名有蘇叶蘇梗之別性散微溫通行經絡子榨出油能供飲食

牛蒡子 俗呼爲大力子能治肺中結熱及小兒痘疹瘟疹等症爲本地大宗出口藥材

蜂蜜 當百花盛開時羣蜂採取花粉及花蕊注之窩中醞釀成蜜本地農家多以養蜂爲輔業亦爲大宗出口品尙有一

種蜜蜂藉山石隙爲窩採花釀蜜不假人爲是謂天然蜂
蜜功用均可和藥

平貝母

形圓而頂平故名平貝本處人呼平貝爲川貝其實大異
開紫花根生小瓣功效專主化痰其力較川貝稍弱出產
甚微價值頗昂爲本地出口藥材之上品若根顆無瓣者
不堪入藥

蒼朮

多生於山地土人呼爲茅蒼朮實較茅山出產者性多燥
用時須先以米泔水浸去其身上之細茅始有燥痰利濕
之功

南星

根似半夏而大形如虎掌故亦名虎掌味辛而苦能治風
散血氣溫而燥能勝溫除痰性緊而毒能攻積拔腫若研
爲末用牛胆汁和勻納入胆中風乾後用名爲胆南星功
力尤佳

牛黃

生牛體中紫黃色體溫而用涼能治人之火牛生黃多吼
以盆水置其前使不得飲其黃則吐水中爲生黃大如卵
重疊可揭輕靈氣香者佳若殺牛從胆中得者名膽黃心
中得者名心黃肝胆中得者名肝胆黃力均不及生者

黃耆

亦名箭耆又名棉耆形似箭肉如棉皮黃肉白堅實者良
爲補藥之長補中灸用走表生用產於北口外者佳本地
所產其功用亦同

天麻

赤箭之根也能去風治麻木等症其苗名鬼箭又名定風草

山羊血

獵得山羊急剖其腹取其血蓄之成塊能治一切血分之病婦女經血不調用之尤有神効惟心中之血最佳

人葎

分爲數種有老山葎扒山葎園子葎之別

甲老山葎天然生於深山中葉似辣椒白花紅子白露子落入土一二年或二三年出芽又子成未落有時被鳥銜至石砬或深山陡澗杳無人到之處入土一二年出芽當年生一小葉形似豆瓣俗名豆瓣子次年生兩葉名二莢子第三年生三葉形似人手名巴掌子第四五

臨江縣志

卷三 物產志 植物 藥材類

五十八

臨江藝文齋印刷所印

年生一莖三葉名燈台子第六七年生四又又生四葉名四匹葉第八九年生五又每又生五葉名五匹葉再至十年或二十年生六又每又生六葉名六匹葉當枝葉繁茂時期周圍之草均向外披約尺許不敢撞其枝葉其貴重奇特如此故謂百草之王設被野獸踐踏或荒火焚燒卽數年不出土俗云睡覺再出土時仍由初生之二莢子燈台子繼續長至六匹葉爲止以故人葎富有起死回生返老還童之能力其根狀如初生之蘿葡長二三寸下有腿二三條腿下生鬚約七八寸長鬚上有小疙疸形似珍珠脖上有細紋宛如筆描皮黃白

色形似錦繡故人稱之錦皮細紋珍珠鬚三錢至一兩者爲中等一兩至四兩者爲上等四兩至五六兩者爲最上等此等人獲最不易得八兩重者爲寶從無得之者俗云七兩爲獲八兩爲寶人苟食之便能長生不老故爲關東三寶之一

按入山尋獲者俗云放山又云挖棒極欲驗此山有無獲苗須察林中有無獲鳥蓋此種獲鳥喜食獲子有獲之處始來盤旋也子入地後卽無此鳥矣獲生於深山羣草中間不受羣草欺凌如遇羣草外披遠離尺許其昂昂然獨立當中者必是人獲

臨江縣志

卷三 物產志 植物 藥材類

五十九

臨江藝文齋印刷所印

(注解)據古籍所載獲鳥卽是杜鵑又名子規身細長約三寸許咀尖銳色灰黃每當秋令食了獲子來春則必晝夜長鳴直至咀角血出方息血乾則又鳴蓋獲子性最熱使之然也其聲似王甘哥王甘哥卽古詞所謂不如歸去不如歸去及如何如何哥哥哥哥是也

按放山慣例俗云幹山利路先拜老把頭爲極尊之神每年三月十六日家家治席焚香設奠(俗云老把頭過生日)謂否則行深山中往往迷路有性命之憂當叩拜時雖疊石爲廟以草莖代香木葉代紙

老把頭亦必領受迷路者焚香祝告即能出山屢驗
屢効蓋老把頭係山東萊陽縣人獨至關東入山採
葎迷路絕糧久而餓死頻死之際在石壁間以指血
題詞後有人至此見其屍體收葬古河岸云老把頭
墳嗣後其子來將屍體認領回籍今之老把頭墳蓋
已無骨在內云

按古河有二有上古河下古河上古河在輯安三道
溝下古河在寬甸境均有老把頭墳在焉

其詞云

家住萊陽本姓孫 翩江過海來挖葎

臨江縣志

卷二 物產志 植物 藥材類

六十一

臨江藝文齋印刷所印

三天吃個啦啦咕 使我傷心不傷心

嗣後有人來找我 順着古河往上尋

入山再有迷路者 我當作爲引路神

乙扒山葎即山葎之一二錢重者採得後重栽入土中其
生長較老山葎爲最速經十餘年便能重至二三兩其
形狀與老山葎同惟紋粗皮鬆鬚短鬚上無疙疸所含
之養分約當老山葎十分之二

丙園子葎即人力栽植者六七年出土小者三四錢大者

七八錢用水刷淨可製成數種 (一)白乾 (二)生曬

(三)紅貨 (四)洋葎製成裝箱分銷於全球各國每斤約

值國幣二十元或十餘元不同

(一)白乾 將園蓐摘去小鬚刷淨外皮乾之所出分兩較輕而養分較多故價值昂

(一)生曬 以園蓐之最劣者由畦中挖出連泥曬乾之不加製造俗名泥打滾價值甚低

(一)紅貨 將蓐洗潔淨摘去小鬚加以冰糖入籠屨蒸熟炕乾之分量極重養分最輕價值亦低

(一)洋蓐 又名大力蓐揀園蓐之大者刷皮去鬚然後置籠屨蒸熟晒乾爲最上品價值極昂

臨江縣志

卷二 物產志 植物 藥材類

六十一

臨江藝文齋印刷所印

鹿茸

卽鹿之穉角也春分前後鹿之老角脫落謂之乾叉子每斤可值國幣兩元退角後由角根初現紅血包長至二寸許狀如小茄俗呼紫茄包長至五寸許其根又生小叉形似民裝鞋俗呼老婆脚長至尺許其頂又科一又俗呼三叉胡子至夏至前後三叉上又似分叉俗呼四平頂過此時打茸者始入山茸角一付可十四五斤價值約在四五百元食之大補氣血土語云鹿有千年壽步步擔憂愁尋食還陽草長生終不老故鹿茸亦爲三寶之一蓐茸合劑爲蓐茸丸

蓋鹿所謂擔憂愁者謹護其茸故於森林中仰首前

馳帖角於背防杖杈傷也又能覓食靈芝故壽能千
年長生不老也

虎骨 虎骨分腿骨腰骨雜骨三種腿骨每兩值四元腰骨兩元

雜骨較廉專治筋骨麻木等症

鹿胎 鹿當立春孳尾清明後獵者入山打胎得胎之後加以羣

葯製成膏葯名鹿胎膏又名種子膏專治婦女經血不調
腿腰疼痛男子食之亦大補腎水

礦物

金 已發現者三處一區頭道溝青溝子二區二道溝裏四人

把四區大小栗子溝其成色以小栗子溝為最佳據識者

臨江縣志

卷三 物產志 礦物

六十二

臨江藝文齋印刷所印

言與黑龍江之金砂無異

銀 產於四區銀子溝內昔有採者以不得法而止

煤 一名石炭又名砬子境內此礦最富以嶺西五六七三區

所產為佳嶺東二區所產次之三區又次之

石灰 四區石灰溝一區王八脖子嶺五區小葦塘溝與天橋溝

等處均產之四處總額每年均七十餘萬斤

鉛 產於四區錯草溝及葦沙河溝裏並五區裏岔溝據調查

者言三處鉛苗以四區錯草溝為最旺現尙無開採者

水晶石 產於四區葦沙河後山質最光潤可製眼鏡及刻印章等

物

瓷

產於五區三岔子礦區約七方里土灰白色質粘性細膩
光潤可製各種瓷器公民朱福亭於民國初年曾開採一
次惜未得法旋即停辦

鐵

產於五區裏岔溝鉛礦附近礦區寬闊鐵苗亦旺惜尙未
如法開採

臨江縣志

卷三 物產志 礦物

六十三

臨江藝文齋印刷所印

